

Fra: Tor Hegle <Tor.Hegle@lindas.kommune.no>
Til: "kjell@reigstadbygg.no" <kjell@reigstadbygg.no>
Emne: Løyve til dispensasjon. Gbnr 134/132 Hilland
Dato: Tue, 3 Mar 2015 13:25:53 +0100
Vedlegg: image001.emz (137K), image002.gif (17K), image003.emz (634K), image004.gif (130K), image005.emz (350K), image006.gif (71K)

Reigstad bygg og eigedom as
Osterfjordvegen 124
5914 ISDALSTØ

Referanser: Saksbehandlar: Dato:
Dykkar: Tor Hegle 03.03.2015
Vår: 14/6755 - 15/4865 Tor.Hegle@lindas.kommune.no

Løyve til dispensasjon. Gbnr 134/132 Hilland

Administrativt vedtak. Saknr: 14/6755

Tiltakshavar: Kristoffer Lunde, Vardane 13, , 5911 Alversund.
Ansvarleg søker: Reigstad Bygg og Eigedom AS, Osterfjordvegen 124, 5914 Isdalstø.
Søknadstype: Søknad om dispensasjon etter plan- og bygningslova (pbl.) § 19-1.

Saksutgreiing:

Tiltak

Saka gjeld i utgangspunktet oppføring av tilbygg til eksisterande bustad.
Saka omfattar søknad om dispensasjon frå gjeldande reguleringsplan.

Planstatus

Eigedommen ligg i regulert område innafor det som i reguleringsplanen for Plan id: 1263-09062006. Vindkallen Alversund. Eigedomen ligg på felt BF3.

Dispensasjon

Tiltaket krev dispensasjon frå føresegnehene i plan. Det er søkt dispensasjon med slik grunngjeving:

Det vert søkt om dispensasjon frå føresegnehene pkt. 1.3 rekkefølgjekrav, mellom anna utbyggingsavtale, VA-rammeplan, rundkjøring ved RV565, gang og sykkelveg O_V1, vegar i sjølve feltet m.v

Grunngjeving

Det er slik vi ser det usikkert når utbygging av bustadfeltet kan starte opp, og dermed gjennomføring av rekkefølgjekrava. Dette kan i verste fall ta fleire år.

Tiltakshavar sin bustad på BYA 60 m²/BRA 63 m² er liten og planløysinga er ikkje funksjonell. Bygget er opphaveleg eit hytte som vart bruksendra og bygd til i 2003/2004. Tiltakshavar er i ein situasjon der det er trong for meir areal og har eit sterkt ønskje om å få både å få laga til ei meir funksjonell løysing, samt få etablert fleire soverom. Ein ser føre seg å rive den eldste delen, og føre opp eit tilbygg i 2 etasjar (1 etasje + loftetasje) slik at samla areal vert om lag BYA 125m²/BRA 180m². Tiltaket vil vere innanfor dei føringane som ligg i planen/føresegnene, mellom anna utnyttingsgrad, mønehøgd, takvinkel, uteareal og parkering m.v.

Eigedomen har vore ei sjølvstendig eining, som vart innlemma i reguleringsplan 2011. At utbygginga av feltet ser ut til å dra noko ut i tid, medfører ei ulempe som eigar ikkje kunne sjå føre seg då planen vart utarbeidd. Ein kunne i so fall ha bede om unnatak i føresegnene frå rekkefølgjekrav for denne eigedomen.

Eigedomen er i dag lovleg tilknytt offentleg infrastruktur (veg,vatn/avløp). Dette skal ikkje endrast. Ei utbygging av eigedomen med planlagt tilbygg, skapar elles ingen vanskar for realisering av planen.

Når utbygginga av feltet startar lyt ein knyte seg til nytt avløpsanlegg og ny tilkomst i samsvar med planen. Ein vil i samband med planlegginga av tiltaket legge til rette for dette.

Samla vurdering

Tiltaket vil etter vårt syn ikkje gje nokon negative konsekvensar, eller ulempar for gjennomføring av rekkefølgjekrava i planen. Krava er omfattande, og det vil truleg gå fleire år før bygging i samsvar med planen kan ta til. Tiltakshavar har trong for utviding no, og vil i samband med prosjektet planlegge for seinare tilknyting til ny infrastruktur. Prosjektet vil gjere at eigedomen vil framstå meir i samsvar med intensjonen i planen i høve estetikk. Tilbygget vil gje eigar vesentleg betre buforhold, og når gjeldande byggeregler vert lagt til grunn, vert tiltaket til gunst for og vil gje ei berekraftig utvikling for eigar, samfunnet og framtidige generasjoner.

Vi meiner etter dette at fordelane klart er større enn ulempene etter ei samla vurdering, slik at dispensasjon kan gjevast etter reglane i pbl §19-2

Det er ikkje henta inn uttale frå anna styresmakt.

Kommunen legg til grunn at søknad om dispensasjon på grunn av tiltaket sin art og plassering ikkje skal sendast på høyring til Fylkesmannen i Hordaland, jf. fylkesmannen sitt brev av 31.01.2012.

Tiltaket er nabovarsla i samsvar med pbl. § 21-3.

Det ligg ikkje føre merknader frå nabo.

Plassering

Plassering av tiltaket er vist i situasjonsplan datert 20.11.2014.

Tiltaket er plassert innafor byggegrense i plan.

Vatn og avløp (VA)

Eigedomen er sikra lovleg vassforsyning og avlaup i samsvar med pbl. §§ 27-1 og 27-2.

Den eksisterande bustaden er knytt til offentleg vassverk og privat avløp.

Tilkomst, avkjørsle og parkering

Eigedomen er sikra lovleg tilkomst til offentlig veg via privat veg i samsvar med pbl. § 27-4.

Avkjørsle til offentleg veg følger av godkjent reguleringsplan.

Situasjonsplanen viser oppstillingsplass/framtidig garasjepllassering for 2 bilar.

Oppføring av garasje må det søkjast om i eiga sak.

VURDERING

Dispensasjon

Det er to vilkår som må vere oppfylt for å gje dispensasjon etter pbl. § 19-2.

For det første må dei omsyna som ligg bak føresegna det dispenserast i frå ikkje verte vesentleg tilsidesett. For det andre må fordelane ved å gje dispensasjon vere klart større enn ulempene, etter ei samla vurdering.

Ved dispensasjon frå planar skal det leggjast særleg vekt på nasjonale og regionale rammer, og det bør ikkje gjevast dispensasjon frå planar når ei direkte råka statleg eller regional styresmakt har gjeve negativ uttale til søknaden, jf. pbl. § 19-2 (4).

Ved dispensasjon frå lov og forskrift skal det leggjast særleg vekt på dispensasjonen sine konsekvensar for helse, miljø, tryggleik og tilgjenge.

Kommunen kan setje vilkår for dispensasjonen, jf. pbl. § 19-2. Vilkåra må ligge innanfor ramma av dei omsyn lova skal ivareta, og det må vere ein naturleg samanheng mellom dispensasjon og vilkår, til dømes slik at vilkår så langt som mogleg kompenserer for ulepper dispensasjon kan medføre, jf. Ot.prp. nr. 56 (1984-85) s 102.

I vurderinga av fordelar og ulepper har kommunen særleg lagt vekt på tilbygget er knytt til ein eksisterande bustad på staden. Søkjær ynskjer å rive delar av eksisterande bustad, og bygge nytt tilbygg.

Realitetane i dette er at situasjonsmessig er tilhøva på staden uforandra.

Eit tilbygg medfører ingen endring i dei eksisterande forholda på staden.

Etter ei samla og konkret vurdering finn kommunen at vilkåra er oppfylt for å gje aktuell dispensasjon frå føresegne i planid.: 1263-09062006, Vindkallen Alversund.

Privatrettslege tilhøve

Privatrettslege tilhøve vert avklart i ei eventuell byggesak.

Naturmangfaldlova.

Kommunen har vurdert prinsippa i § 8 – 12 i naturmangfaldslova. Ein har mellom anna sjekka det aktuelle arealet i www.naturbase.no og www.artsdatabanken.no og nyttar rettleiing frå Fylkesmannen i Hordaland.

Kommunen finn ikkje at tiltaket vil kome i konflikt med naturmangfaldslova.

VEDTAK:

Med heimel i plan- og bygningslova § 19-2 vert det gjeve dispensasjon frå reguleringsplan planid.: 1263-09062006, Vindkallen Alversund for oppføring av tilbygg på følgjande vilkår:

1. Byggetiltaket må avklara i eigen byggesak.
2. Tiltaket må følgje rammene vist i situasjonsplan datert 20.11.2014.

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Bortfall av løyve

Dispensasjonsløyvet gjeld innanfor 3 år etter at dette løyvet er gitt jf. pbl. § 21-9.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36.

Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjenvært.

Føretak som har fått avslag på søknad om ansvarsrett har særskilt rett til å klage over dette vedtaket.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nyttal ut, jf. fvl. § 27b.

Gebyr

Med heimel i plan- og bygningslova § 33-1 og Lokal forskrift om gebyr for teknisk forvaltingsteneste vert det følgjande gebyr i saka:

Kode	Skildring	Tal	Sum
9.1.4	Dispensasjon som gjeld plankrav eller rekkefølgjekrav i plan		8.500

Totalt gebyr å betala	8.500
-----------------------	-------

Gebyret skal vere betalt innan 30 dagar rekna frå fakturadato og før arbeidet kan setjast i gang, jf. pbl § 21-4 (6).

Klage

Gebyr for teknisk forvaltingsteneste er fastsett ved forskrift. Det er ikkje høve til å klage over ei forskrift, jf. forvaltningslova §§ 3, 28 og 40. Det kan difor ikkje klagast over at det vert kravd gebyr, eller over storleiken på gebyret. Det kan klagast over kva punkt i regulativet gebyret er rekna ut i frå. Klage skal vere grunngjeven.

Med helsing

Tor Hegle
avdelingsleiar

Dette dokumentet er elektronisk godkjent og har difor ingen signatur.

Mottakarar:

Reigstad bygg og eigedom as Kristoffer Lunde	Osterfjordvegen 124 Vardane 13	5914 5911	ISDALSTØ ALVERSUND
---	-----------------------------------	--------------	-----------------------